



- 1 ²³ Franciscus Turrianus de ecclesia et
ordinat. minorum etc.
- 2 Margwilt Caspar Francke von
der wafft so mündig der prediger.
- 3 Martini Bucari Pfarrer von der
opm der Obrigkeit - geistliche Schrift
- 4 Von der welt so als typus
Herrn Carolus
- 5 Von glorie geistliche Schrift
- 6 Gratulation d. Caroli Andree der
der prediger - Bayer. Buchdruckerei
- 7 Von der welt gedruckte Buch
Grossg. Flaximier.
- 8 Philippi Melancthonis von d. Engel

X, III.



6

Ein gnadenreichs vñ
Gottfälliges Neues Jar / von dem
Neugebornē Kindlein / vnserm ainigen Mitter
vnd Hanland Jesu Christ: / über den trostlichen
Spruch Esai: / Dus ist ain Kind geborn / vnd ain
Sun ist vns gegeben. Vnd über das alte Christ-
liche Lied / Ain Kindelein / so lobelich ꝛc.

Allen Christen zum trost / auß
göttlicher hailiger Schrifft
zusamen gezogen.

Durch
Georgium Flaxinium
von Saltzburg.



Anno salutis humanæ M. D. LXXV.

7

[Faint, illegible text, likely bleed-through from the reverse side of the page. The text is arranged in several lines and is difficult to decipher due to its lightness and the texture of the paper.]



Dem Gdlen vnd Be-
sten Johann Achillio Zising/zum
Gonenberg vnd Lindaw/Röm: Kai:
Mat: 22. Rhat. Meinem
günstigen Herren.

Gottes gnad / neben wünschung ai-
nes glücksäligen freudenreichen Newen
Zars / mit erbietung meiner vnder-
thenigen willigen diensten
yeder zeit beuor.

Vder vnd Bester günstiger
Her: / Ewer Best übersende ich hiemit
ain ganz tröstliche Predigt / Ewer Gnad wölle
dieselb von mir günstiglich annehmen / wie über-
aus vnser geliebstes Kindle / das holdfällige / gü-
tige Jesuße / so gnadenreiche honigsüsse lippen /
ja ain schönen / roten lieblichen Munde hat / wie
das David im 45. Psalmen anzaiget / Du bist
der schönest vnder den menschen Kindern / hold-
selig seind deine Lippen / darumb segnet dich Got
ewiglich / vnd das er auch seines herzen lust
vnd alle freud hat / an den frummen lieben Kin-
A ij derlein /

de. lein/ Dañ also sagt Er selbs Marei 10. Laßt
die Kinde zu mir kōmen/ vñnd wōdet inen nicht/
dann jr ist das himelreich/ Darzū sagt Er auch
im Matheo am 18. zū seinen Jungern/ Wenn jr
nit werdet wie der Kinder ains/ so kūndt jr nicht
ins himelreich kōmen/ vñnd we dem der das aller
klainest Kind ergeret/ die an mich glauben/ dem
were besser/ das ain Mülstein an seinen halß ge-
henckt/ vñnd erschüfft/ Dañ die lieben Engel Gotes
seind stehes bey den Gotsfōchtigen kindern/
behūten sie vor allem schaden vñnd laid/ vñnd sehen
doch im himel allezeit das angesicht meines vater-
ters/ also soll man Christum recht erkennen/ das
er vnser hōchster/ himlischer/ ewiger schatz/ vñnd
das angenehmest Erb ist / Dann diß aller edelst
Kinde Jesus/ Gottes vñnd Marie Sun/ der war
aller reichest Allmāchtigster Gott vñnd mensch/
ist vns zū aigen geboren vñnd geschenckt/ das wir
vns sein vil mehr sollen annemen/ vñnd mit im er-
frōwen/ dem mit vnsern leiblichen Kinderlein/
die gerathen oft sehr ũbel / machen vñns vil gros-
men vñnd herzenlaid. Aber dises liebes Kinde
Gottes Sun/ ist vñns darumb gegeben/ das Er
vns zū Gottes kindern mache/ so wir beständig
an in glauben/ auch von allem jamer vñnd ellend
zū erlösen/ darumb sol ain frummes Kinde also
Christum erkennen/ an in glauben/ vñnd frey be-
kennen/

kennē/ mit höchsten freuden/ sich selbst wider alle
angst/ traurigkeit/ vnd anfechtung/ wider des
Teufels list vnd anfechtung von herzen getrost
sagen/ allen vnfall damit zu überwinden/ so du
bekennest.

Christus das liebe Kindle vns geborn/ ist mein.

1. Leben/ Johan: 1 8. 11. vnd 1. Ioan: 5. Wer
den Sun Gottes hat/ das leben er hat.
2. Licht/ Luce 2. Christus ist das Licht der
Heiden/ Ioan: 1. vnd 8. Ich bin das Licht der
welt/ Jesaie 9 vnd 60.
3. Trost/ 2. Cor: 1. Psal: 94. Jesa: 66. Psalm:
23. 91. Ob ich schon wandert im finsternen thal/
fürchte ich kein vnglück/ denn du getreuer Gott
bist bey mir. Hag: 2. Da sol kömen aller Heiden
trost/ das ist der ainig Christus vnser Hailand.
4. Friede/ Ioan: 16. In mir habt ir fride/ in der
welt angst. Ioan: 14. vñ 20 sagt Christus/ Der
frid sey mit Euch. Colos: 3. Ephc: 2. Christus ist
vnser frid.
5. Freud/ Luce 2. Ioan: 16. Jesa: 61. Phil: 3.
Frdret Euch im Herze/ abermal/ Frdwet Euch.
6. Hailand/ Luce 2. vnd 1. Ioan: 4. Wir heü-
gen/ das der Vatter seinen Sun Christum hatt
gesandt/ zum Hailand der welt/ Psalm: 65 119.
Jesaie 52. Titum 2.

A iij 7.

7. Erlöser vñ ainiger nothelffer/ Psal 9. Der Herz ist des armen schutz inn der not/ Psal. 118. vnd 50. Küß mich Got an in der not/ so will ich Got dich errette/ so soltu mich pressen/ Psal. 55. Wirff dein anligen auff den Herzu/ der wirt dich versorgen 2c. Daniel. 6. Der lebendig Got ist ain Erlöser vñ nothelffer/ der hat Danielem von den Löwen erlöset/ Gal. 3 vñ 4. Tit 2. Hiob 19. Ich weiß das mein Erlöser lebt/ vnd wirt mich erwecken am Jungsten tage.

8. Sündtülcker/ Joā. 1. Christus ist das Lam Gottes/ das der welt sündetregt/ wie Esaie 53. Der Vatter hat all vnser sünd auff in geworffen/ vnd Zesaie 43. 44. Ich Gott ich tülcke deine übertrettung vmb meinen willen/ vñ gedencck deiner sünde nicht.

9. Todwürger/ 2. Timothy: 1. Der dem tod hat die macht genommen Esaie 9. Das schock zerbrochen/ Hosee 13. Zesaie 25. Der tod ist verschlungen im Sig Christi.

10. Hellebrecher/ 1. Cor: 15. Hosee 13. Ich Got will sie erlösen auß der Helle/ vnd vom Todt erretten. Tod ich will dir ain gift sein/ Helligh will dir ain Pestilentz sein.

11. Schlangentretter/ Dem Teüfel all sein macht genommen/ Gene: 3. Hiob 41. Er ist wider den Leuiathan/ Johan: 1.

12. Herz/König/Math: 1. 21. 27. Zacharie 9.
Sihe dein König kumbt dir ganz sänfftmutig/
arm/gerecht/Psalm: 5. 45. 84.

13. Hoher priester/vnd ainiger Maister/Ma-
thai 23. Ainer ist Ewer Maister/Christus/He-
bre: 7. 9. Christus machet vns auch zum Könige-
lichen Priesterthumb/Apocal: 1. vnd 5.

14. Fürbitter/Hebre: 9. Roman: 8. Christus
vertritt vns vor Got/1. Johan: 2. vnd im 17. bitt
Christus ernstlich für vns.

15. Versüner/1. Johan: 2. vnd 4. Wir haben
ain fürsprecher bey dem vatter/Jesum Christum
der gerecht ist/ derselbig ist die versünung für vns-
ere Sünde/vnd aller welt sünde/Roman: 3. 5.
Zesale 60. Hebre: 9. Coloz: 1. 2. Cor: 5. Ephe: 2.

16. Ainiger Mittler/1. Timoth: 2. Ain Gott/
ain Mittler zwischen Gott vnd den menschen/
nämlich der mensch Jesus Christus/ der sich selbs
für alle gegeben hat 1c. Hebre: 8. 9. vnd 12.

17. Gnadenstul/Roman: 3. Heb: 5. Ephe: 2.
Got hat vns Christum fürgestellt zu ainem gna-
denstul/durch den glaubē in seinem blut 1c. Dan
durch Christum haben wir ain freidigen zügang
im glauben zu Got vnserm vatter.

18. Hertz liebster brüder/Hebre: 2. Math: 12.
vnd Marci 3. Wer Gottes willen thut/ der an
mich Jesum recht glaubet/Johan: 6. der ist mein
Brüder/

Brüder/Schwester/ vnd Mütter/ Vnd Johan:
20 befilhet Christus Magdalene/ Sage meinen
brüdern 2c. Psalms 22.

19. Hirt/ Johan: 10. Ich bin ain guter Hirt/
Ich gebe mein leben für meine Schaf. 1. Petri 2.
Ir sent bekeret zu dem Hirten vnd Bischoff erer
seelē/ 1. Pet: 5. Christus ist der Erzhirt Psal: 23.
Der Herr ist mein hirt/ mir wirt nichts mangle/
Jesae 40. Ezech: 34.

20. Herzlichster schöner Prestitigam / Mato
thei 22. vñ 26. Vnd 2. Cor: 11. sagt S. Paulus/
Ich hab Euch vertrauet ainem Mann/ das ich
ain raine Junckfrawen Christo zübrächt. Hesee
am 2. sagt Gott der Herr/ Ich will mich mit dir
verloben in ewigkait/in gerechtigkait/in gericht/
in gnad vnd barmherzigkait/ja im glauben will
ich mich mit dir verloben/vnd du würest den Her
ren erkennen/der sagt auch Jesae 54. vñ 62.
Der dich gemacht hat/der ist dein Mann/ Herr
Zebaoth haist sein Nam/vnd dein Erlöser/ Vñ
ob ich dich ain klainen augenblick hab verlassen
im Creutz/ so will ich dich mit grosser barmher
zigkait wider zu mir samblen/ vñ mit ewiger
gnad will ich mich erbarmen/ spricht der Herr
dein Erlöser/Amen.

Sein wir nun Christi Brüder/ vñ d sein ge
liebste Braut/so sein wir auch rechte Erben aller
seiner

seiner himlischen güter/das Christus vnser weiß
hait/gerechtigkait/herligkait/ vnd erlösung ist/
auch ewiges sälliges leben ist/im himel/ Amen.
Das soll ne gewiß sein vnd war/da zuwissen wir
gar nicht an.

Der Allmächtige/barmherzigste/ aller gnä-
digster vnser geliebster himlischer Vatter/wölle
da durch Jesum Christum vnsern geliebsten ge-
nadenreichen Preütigam/vnserer aller glauben
stercken/mehren/ vnd scherpffen/ auch vnser ge-
wissen frölich trösten/das wir getrost für Gott
dürffen treten/seußßen/ flehen vnd bitten/ vmb
gnad vnd hilff/vnser sündlich leben zu besseren/
biß an vnser letztes stündlin/das vns Christus
wölle sälliglich verleyhen/Gott im glauben an
Christum dienen/in loben/rhümen/ehren/prey-
sen/bekennen/vnd allezeit vmb allerlay wolthat
dancken/sonderlich vmb den höchsten Schatz sei-
nes Euangelij vns ganz klar geoffenbart die
sälligkait/darzu helff vns Christus/Amen.

Gegeben am tag der Erscheinung Christi dem
Weyßen auß Morgenland/den 6. Januarij.
Anno 1575.

E. V.

Vndertheniger

Georgius Flaxinius.

B. Anfang

Anfang des Christen-
lichen trostlichen Lieds/ Ain
Kindlein so lobelich/ ist vns
geboren heute/ ic.

Diß hailig/ tröstlich/ recht/ vnd
Euangelisch Lied/ haben unsere a'te irü-
me Teütschen Christen gesungen/ vnd sollich
süliges Trostlied genommen auß dem hailigen
Propheten Isai im 7. vnd 9. capitel. Auch auß
dem hailigen Euangelisten Luca am 2. Dann
also hat Jesaias am 7. gewensaget/ **S**iehe ain
Junckfraw ist schwanger/ vnd wirt ainen Sun
geboren/ den wirt sie haissen Immanuel/ das ist/
Got mit vns/ im 9. Capitel sagt Jesaias/ Vns
ist ain Kind geboren/ ain Sun ist vns gegeben/ wel-
ches Herrschafft ist auff seiner Schulter/ vnd Er
heißt Wunderbar/ Rhat/ Kraft/ Held/ Ewiger
vatter/ Fridenfürst ic. So tröstet der Engel Got-
tes die erschrockene Hirten auff dem felde/ **S**iehe
ich verkündige euch grosse freud/ die allem volck
widerfaren wirt/ dan Euch ist heut der Hayland
geboren/ welcher ist Christus der Herr/ inn der
Statt David/ Duse Statt David nennt Mato-
theus am 2. zu Bethlehem im Jüdischen land/
vnd hat das gelernt auß dem hailigen Prophe-
ten

ten Micha am 5. Capitel/ Vnd du Bethlehem
Ephrata / die du klein bist vnder den Tausenten
in Juda / auß dir soll mir herkommen / der in Is-
rael Herz sey / welches außgang / von anfang vn
von ewigkeit her gewesen ist. Wie beweist der Pro-
phet / das Jesus Christus das lieb Kinde / Vns
vns geboren vnd geschenckt von Gott dem All-
mächtigen vatter / sey ain warer ewiger Got vñ
ewigkeit geboren vom vatter / der ist vns zum
Allmächtigen Hailand vnd Mitter gegeben /
Auch ain warhafter mensch / vnser Hoher prie-
ster / versüner / der sich selbst für unsere sünd auff
geopfert / das ist dz Kinde Jesus / ist warer Got
vnd Mensch / in ainer vnzertrenten Person / vns
geboren von der reinen Junckfrawen Maria / zu
ainem seligmacher / wie alle Euangelisten leere /
sonderlich Johannes am 1. cap. Das wort ward
fleisch / vnd wonet vnter vns / Sollich sälligs
hoch trostlich lied / haben die rechtglaubigen teüt-
schen in lieben Kinderlein für gesungē / vor neun
hundert jaren. Darumb wir Christliche Teüt-
schen billich in ewigkeit Got dancken / loben vnd
preisen sollen / für solchen himlischen seligē schatz
dieses Euangelischen Kinderlieds / da wir frölich
Got loben vnd dancken / vnd von herzen singen.
Ain Lindelein so lobelich / ist vns geboren heüte zc.
Sondern auch für das selige Osterlied / da wir
B u Christen

Christen von herten singen/ vnd klinge/ Christ ist
erstanden/ von der marter alle. Vnd für das
Christenliche lied / Nun bitten wir den hailigen
Geist.

Dise drey Lieder/ haben alle Christen an irem
End betracht / seind im glauben dardurch erhal-
ten/ vnd selig worden.

Nun wollen wir ganz kindisch / kurz/ klar/
vnd einfältig dis Christliche Lied außlegen/ die-
weil wir gewis glauben/ Es sey auß der hailigen
Schrifft des Göttlichen worts gezogen/ vnd ge-
macht / so wollen wir arme Kinder / frölich von
herten singen / mit allen lieben Christen inn der
ganzen welt.

Ein Kindelein so lobelich.

Mercket liebe Kinder alle wort wol/ vnd be-
trachtets tieff im herten/ Erstlich/ Womit hat
vns Gott der Vatter begnadet? da gib antwort/
Ey Ey mit ainem feinen holdseligen/ frölichen/
lieblichen / gnadenreichen / ganz tröstlichen/
freundlichen/ gütigen/ schönen/ vnschuldigen/
frummen Kinde/ das ist vns allen geboren vnd
geschenckt/ das will kainen menschen verachten
noch verstoßen/ sonder will yederman zu gnaden
annemen/ inen rhaten/ helfen/ vnd selig mache/
So wir nun das Jesu ste also herzlich küssen/
vnd

vnd frölich an vnd ja vns nemen / wie Simeon
das Kindle Jesus im glauben herzet / vnd vor
grosser freud singet / vnd Got lobet Luce am 2.
Herz nu lässt du deinen diener im friden saren /
wie du gesagt hast / denn meine augen haben deis
nen Hayland gesehen / welchen du beraitret hast
vor allen Völkern. Nie ist kain mensch außge
schlossen / weder Juden noch Heyden / noch alt /
groß / hoch / geleert / junge kinder / kaines niedern
stand / noch hohes / Alle menschen sollen sich des
Kindleins annemē / im herzen / wiegen / vnd bit
ten / das diß lieblich / freündlich Kindle bey vns
ain wouung wölle haben / denn es ist lobelich al
ler Gottes gnaden / vnd reichen segen voll / Er ist
Gottes geliebster Sun / wie Matheus sagt am 3.
vnd 17. Capitel / daran Got allain gefalle hat /
dann er ist on sünd / vnd one alle verletzung der
Zunckfraw Maria geboren / rain vnd lautter /
d; Er vns alle durch sein raine keüsche empfang
knuß vnd geburt rainige / vnd Got günstig vnd
angeneim mache.

Ist vns geboren heute.

Da hab acht / wein das liebe Jesusle sey gebo
ren / nämlich / **VNS** / vns armen Kinderlein /
vns allen / wie wir solches im glauben singen vñ
glauben / Er sey vns so wol geboren / als Maria /

B ij die

die vns Handen das Kinde gern gibt/ die weil es
die Juden also verachten / Es ist ne nit den En-
geln geboren/ Sondern vns armen gotsföchtigen
Sündern heüte/ das ist/ wie von anfang der welt
Anno 3963. ist leiblich geboren/ von der Junck-
frawen Maria zu Bethlehem/ Also wirt Chri-
stus gaisstlich/ noch täglich in vnsern hertzen ge-
boren/ so wir ja nur nicht mit vnsern sünden vnd
vnglauben von vns vertreiben/ dann Christus/
das lieb freündlich Kind/ sagt selbst Mathei am
12. Da Er vnder dem volck sein hand außstreckt
über seine Junger/ Sihe da/ das ist mein Mütter/
vnd meine Brüder/ den wer den willen thut mei-
nes Vaters im himel/ das ist/ Johannis am 6.
der an mich Christum Gottes Sun recht glau-
bet/ derselbig ist mein brüder/ Schwester/ vnd mü-
ter/ So sagt Christus Luce 8. Mein Mütter vnd
brüder seind dise/ die Gottes wort hören vñ thun/
dise seind auch sällig/ die es hören/ vnd bewaren
in der forcht Gottes/ das inen als sicher/ der böse
Satan nit raube auß den hertzen hintweck.

Von einer Junckfraw seuberlich/
zu trost vns armen leüte.

Da lernen wir die aller rainigste geburt dieses
Kindeins/ nit von Mann vnd Weib empfan-
gen vnd geboren in sünden vnd fluch/ wie wir laie-
ter/

der/alle empfangen vnd geboren werden/sonder
von der rainen Junckfrawen Maria / one alle
mackel vnd sünde / seüberlich ou alle verletzung/
der vns will rainigē von allen sünden/ vnd ewig
gem tod vñ fluch/der das Erst Euangelium/ das
Got selbst hat Adam vñd Eua geprediget/ hat
erfüllet/ durch seine raine geburt/ vnd bitter lende
vnd sterben/ vnd fröliche aufferstehung/ da Chri
stus selbst hat geprediget/ des Weibs samen/ das
ist der rechte Messias/ diser Junckfrawen Ma
ria Sun/ soll dem Teüfel den kopff zerretten/ das
ist/ zu binden vnd überwinden/ plündern/ gefan
gen führen/ vñd alle seine macht mit Tod/ Sünd
vnd Hell/ in nemen vnd dempffen / darumb sin
gen wir so frölich/ Zu trost vns armē leüten/ das
Kinde ist vnd wills sein ewig vnser trost/ frid/
freüd vñ hail/ den wir arme verlornē Leüte wa
ren/ als irrige Schafe/ die süchet das Kinde/ er
rettet sie vor vnseren grausamen Wölffen vñd
Löwen/ wie Johan: am 10. vnd Luce 15. volgt.

Wer vnns das Kindelein nicht
geborn/ so wern wir all zumal
verlo:n.

Da bekennē wir/ das one dis Kindes geburt/
alle mensche von Adam/ Abraham/ Isaac/ Ja
cob/ Juda/ Joseph/ Dauid/ biß auff Mariam
vnd

vnd Johannem den Täufer/ vnd wir alle verdampt weren / mit allen vnsern besten wercken vnd verdiensten/die doch alle vor Got seind / wie ain vnraines thuch einer francken Frauen/ Jesaie am 64. ca Ja lauter vnnütz knechte/ das der hailige Johannes wol sagt/ Ioan: 1. Von seiner fülle/das ist/von dises Kindleins gnad habē wir alle genōmen gnad vmb gnad / also sagt Petrus Actor: 10. Von disem Christo zeügen alle Propheten/das durch seinen Namen/ alle die an den Jesum/vns geboren ain liebes Kindle/ glauben/ vergebung der sünden empfangen sollen. Dises Lied/ mit sollichem Gottes vrtail/ bestätigt/ ist ain Donnerart/ ain schreckliche Garthaune. Wer vns das Kindle nicht geborn/vñ ain Opfer für vns am Creutz werdē/das Edel ainig Lamb Gottes / das aller welt sünde tregt Johan: 1. so weren wir mit allen vnsern besten wercken vnd verdienst allzumal verloren / das Kindlein das liebe Jesusle ist vnd thut es allain.

Das hail ist vnser alle.

Solches leeret S. Paulus Ephe: 2. Den auß gnad seht ir selig worden/durch den glauben/vnd dasselbig nit auß Euch/Gottes gabe ist es / nicht auß den wercken / auff das sich nicht nemandts rühme/dann wir seind sein werck geschaffen im Christo

Christo Jesu / zu guten wercken / zu welchen vns
Got zuuor bereit hat / das wir darinnen wand-
len / das ist / die reine leere / wie wir selig werden
sollen / allain durch das Kindle Jesus / so wir
glauben / Es sey vns geboren vnd gegeben / zu ai-
nem hail vnnser aller / Also sagt der Herz Christus
/ Also hat Got die welt geliebet / das Er seine
aingeborenen Sun gab / auf das alle / merck's wol /
Er sagt alle / da schleüßt Christus kein menschen
aus / die an in glauben / nicht verlorn werde / son-
der das ewig leben haben / Vnd Johan: am 17.
sagt Christus / Das ist aber das Ewig leben / das
sie dich / das du allain warer Got bist / vnd den
du gesandt hast / Jesum Christum erkennen / dan
solche erkantnuß Christi macht vns gerecht / sagt
Jesaias 53. Nie hörest du / das allain der recht
glaub an Christus werck vnd verdienst vns alle
selig macht. Also leeret er vns zu den Galatern
am 2. Ich wirff nit weck die gnade Gottes / dan
so durch das Gesetz die gerechtigkeit kumbt / so ist
Christus vergeblich gestorben / aber wir glaubē /
Er sey zur vergebung vnnserer sünde gestorben /
vnd auferstanden / vns gerecht vnd selig zu ma-
chen / darumb frolocken vnd singen wir Gott zu
lob / ehr vnd danck mit ganzem frölichem herze /
sauchzen / springen vnd rhümen vns.

¶ ¶

Ey du süßer Jesu Christ.

O lieber Gott/ wir armen Linderlein sagen
dir billich allezeit lob/ ehr vnd danck/ das du zu
vns ellenden Wanslein bist kommen/ in vnser
j. merthal/ ain gnadenreicher Gast worden/ das
du vns erlösest von allen Tyrannen/ vnd ma-
chest vns Burger im himelreich/ deinen schönen
Engeln gleich/ Da wollen wir frölich singen.

Vom Himmel hoch da kam ich her/ vnd bring
Euch güte newe mehr/ ic.

In diesem Christenlichen Lied lernen wir
allen nutz/ warumb vns das Kinde geboren ist/
nämlich/ das Er vns alle seligkeit schenckt/ O
wie getröst soll der betrübt Mensch werden/ der
diese beede Lieder oft von hertzen singet/ der muß
freylich güts müts sein. Das wir aber singen/
Ey du süßer Jesu Christ/ Zaigen wir hiemit an/
Das liebe Jesuße habe sein Mündle voller Zu-
cker/ Honig/ vnd Maluasier/ dann David sagt
stehts/ O Herz dein wort ist meinem mund süß-
fer/ denn Honig/ vnd lieber/ dan vil tausent stuck
Gold vnd Silber/ Ja dein wort ist mein Erbe/
mein liecht/ freud/ vnd meines hertzens wunne
vnd trost/ Was kan vns süßer/ lieblicher/ vnd
frölicher sein/ dan so diß lieblich Kinde/ vns ver-
lorne Sünder so ganz gnädig anredet/ Mat: 11.
Kommet

Kommet her zu mir alle / die ir mühselig vnd be-
laden sent / ich will Euch erquicken / Ich will den
schwären last der Sünden von Euch nemē / will
Euch gnad erzaigen / Dann des Menschen Gunt
ist kommen / die Sünder zur Buß zurüffen / vnd
sällig machen / ist das nit ain süsse kinder Milch /
die vnns neeret vnd erfröwet / da Christus sagt
Johannis am 14. Ich will wohnung bey Euch
machen / Vnd im Jesaia am 49. sagt Got / Kan
auch ain Weib sres Kindleins vergessen / das sie
sich nicht erbarmet über den Gunt sres leibs / vnd
ob sie desselbigen vergesse / so will ich doch dein nit
vergessen / Sihe in die hände hab ich dich gezeich-
net. Also leeret vns David Psalm 34. Schme-
cket vnd sehet / wie süß vnd freündtlich der Herz
ist / wol dem / der auff in trawet / ain sollich süsse
liebliche stim / hat der wild Moses nicht / so Er
vnns mit dem Gesetz erschreckt / steckt vnd pleckt /
im zorn Gottes vnd fluch hellt / Dann Er hat
Nüthenrauch vnd Kellershalß im Munde / re-
det mit vns durchs Gesetz / wie ain Hencker / das
vnns hertz vnd müit entfelt.

**Das du Mensch geboren bist /
behüt vns vor der Helle.**

Du liebes Jesußle / du hast unsere schwache
menschliche Natur / ja nit vmb sunst angenom-
men /

G ij men /

men/ Sonder darumb bist du Mensch worden/
das du vns zu Gottes kinder machest/ alle die an
dich glauben/ die weil aber wir Sünder seyen/ vnd
darumb wol das Hellisch ewig feür verdient ha-
ben/ welches nimmermer wirt außgeleschet/ Vñ
wie der Prophet Jesaias am 66. sagt/ So bitten
wir dich/ durch dein groß theür bitter leyden vnd
sterben/ wöllest vns gnädig sein / all vnser sünd
vergeben/ so werden wir des ewigen Todts/ des
Flüchs Genesis am 3. vñ Hellischen Feürs wol
ledig vnd los/ die weil du solche plag vns allen
hast mit seinem blüt überwunden/ dann also sagt
Hosca am 13. inn der person Christi/ Ich Gott
will sie erlösen auß der Helle/ vnd vom Todt er-
retten/ Tod ich will dir ain gift sein/ Hell ich will
dir ain Pestilenz sein/ Amen. Das wir sollicher
wolthat starck künden glauben/ wurden wir vor
freüden alles vnglück nichts achten noch fürch-
ten/ Sonder frölich mit Paulo sagen/ das ganz
acht Capitel zu den Römern/ vñd fürnämlich
disen Spruch gewaltiglich üben im herzen/ vnd
trohen wider die Welt/ Tod vnd Teüfel/ vñ also
schreyen/ Ist Gott mit vns/ wer kan wider vnns
sein/ dan Got ist ye stercker/ den die Welt/ Sünd/
Tod/ Hell/ Teüfel vñd Fluch/ die hat Christus
vns allen Kitterlichen überwunden/ gebunden/
vnd gefangen geführt/ zum Schawspil vnd Tri-
umph/

trumph/ zum Ephesern am 1. vnd zum Colossern
am 2. darauß wir Christen Got ewig lobē/ pries-
sen/ vnd danken/ für sein geliebsten Sun Jesum
Christum/ den Er vnns gescheneckt hat/ das wir
durch sein gnad vnd verdienst/ fraidig inn aller
angst vnd todes nöten/trutz bieten/vñ sagen mit
S. Paulo 1. Cori: 15. Nahe der Tod ist verschlun-
gen in dem Sig vnsern Herren Jesu Christi/ D
Tod wa ist dein Stachel/ Hell wa ist dein Sig/
Gott aber sey danck/ der vnns den Sig gegeben/
durch vnsern Herren Jesum Christum/ in ewig-
keit gelobt/ Amen. Dann der glaub an Jesum
Christum/ ist vnser Sig/ damit wir allen vnsern
feinden obsigen/ Amen.

Nie mit diser tröstlichen Predig/ ermane ich
Ewer Lieb/ ir wölt dise leer hertzlich betrachten/
lieb/ theür vnd werd haben/ offit lesen/ vnd wol
lernen/ die aller lieblichste/ nötige vñ selige zwain-
zig Namen Christi zc. Dise als den höchsten/ ed-
lesten/ himlische Schatz/ der weit übertrifft alles
Gold/ Silber/ Edel Gestain. Derhalben sollen
wir solche gaistliche/ ewige vnd selige güter/ ernsta-
lich wol bewaren vnd behalten/ Dann wir müs-
sen doch alle zeitliche güter der ganken welt hin-
der vns lassen/ andern Leüten/ allain disen ewi-
gen tröstlichen gewaltigen Schatz/ nämlich Got-
tes hailig wort/ wie dise klaine Predig/ klärlich

G iij weyßen

weyßen den rechten weg gen himmel / das ist hail-
sam / nutzlich vnd tröstlich / als ain recht liecht /
Volgends Euch allen Christen / voran auß diser
finstern welt / zu vnserm rechten / ewigen / himlis-
schen Vatterland zukommen / Amen.


Ain Gebet.

Vns ist ain Kind geboren / Halleluia.

Ain Sun ist vns gegeben / Halleluia.

Hilff lieber Herre Gott / das wir der Neuen
selblichen geburt deines lieben Suns / theilhaft
werden vnd bleiben / vnd von vnser alten
sündlichen geburt erlediget werden /
durch denselbigen deinen lie-
ben Sun / Jesum Chris-
tum vnsern
Herren /

A M E N.





Handwritten text and a small label fragment in the top left corner. The label fragment contains the text "oc.", "be u", and "MC".

29.106.


ULB Halle 3
001 604 740


sb

M.C.







Ain gnadenreichs vñ
Gottsaliges Newes Jar / von dem
Newgebornē Kindein / vnserm ainigen Mitter
vnd Hanland Jesu Christ: / über den trostlichen
Spruch Esai: / Vns ist ain Kind geborn / vnd ain
Sun ist vns gegeben. Vnd über das alte Christ-
liche Lied / Ain Kindelein so lobelich zc.

Allen Christen zum trost / auß
götlicher hailiger Schrifte
zusamen gezogen.

Durch
Georgium Flaxinium
von Salzburg.



Anno salutis humanæ M. D. LXXV.

